



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-074-5/23**
Datum: **06.04.2023. godine**

„Agencija za vodno područje rijeke Save“ Sarajevo rješavajući po zahtjevu Investitora „GRAĐEVINAR“ d.o.o. Novi Travnik za donošenje rješenja o vodnoj dozvoli za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomita, izgrađenog u naselju Bučići, općina Novi Travnik na osnovu člana 139. stav (1) tačke 3. i 10. Zakona o vodama („Službene novine Federacije BiH“, broj 70/06) i člana 200. Zakona o upravnome postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „GRAĐEVINAR“ d.o.o. Novi Travnik za aktivnosti koje mogu imati specifične uticaje na vode za ispuštanje oborinskih, onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomita, u naselju Bučići, općina Novi Travnik, definiran prelomnim koordinatama;

	X	Y
A	6.477.650	4.890.800
B	6.477.650	4.891.600
C	6.477.100	4.891.600
D	6.477.100	4.891.200
E	6.477.367	4.890.800

U ukupnoj površini od 49,20 ha od čega je 38,60 ha odobreno za eksploataciju a 10,60 ha za istražnu eksploataciju dolomita.

2. Ova vodna dozvola se odnosi isključivo na ispuštanje otpadnih voda sa lokacije definirane tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvaćanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i pod slijedećim uvjetima:
- 3.1. Da korisnik izgrađenih objekata, strojeva i instalirane opreme koji se koriste za eksploataciju, separaciju, skladištenje i distribuciju dolomita, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
- 3.2. Da u prvih 8 mjeseci važenja ovog Rješenja, izradi i revidira investiciono-tehnička dokumentaciju, urađena na razini Glavnog projekta, za prikupljanje, prečišćavanjem i ispuštanja otpadnih voda koje nastaju na predmetnom lokalitetu i objektu (tehnološke onečišćene vode nastale u procesu otprašivanja, pranja rudarskih strojeva i opreme, sanitarno-fekalne i oborinske onečišćene vode) u definirani recipijent, a sve u skladu s Uredbom o uvjetima ispuštanja otpadnih voda u okoliš i sustave javne kanalizacije („Službene novine Federacije BiH“ broj 26/20 i 96/20).

- 3.3 Ukoliko Vlada kantona propiše dodatne (strožije) uvjete za ispuštanjem oborinskih, onečišćenih voda u površinske vode, od uvjeta definiranih Uredbom o uvjetima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.4 Da korisnik navedenih objekata za vrijeme trajanja ove dozvole, osigura da se otpadne vode iz kamenoloma u kome se vrši površinska eksploatacija mineralne sirovine -dolomita nesmetano sakupljaju i odvođe do objekata predviđenih za tretman otpadnih voda-sustava taložnika nakon čega će se prečišćena vodom sustavom recirkulacije ponovo koristiti u procesu proizvodnje a istaloženi materijal koristiti kao sirovina za izradu tampona ili u druge svrhe.
- 3.5 U toku od 18 mjeseci od početka važenja dozvole izgraditi objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža) i nakon ugradnje iste treba redovno održavati i koristiti na način koji će osigurati njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema posebnom ugovoru.
- 3.6 Čišćenje strojeva vršiti isključivo na betonskoj podlozi s izvedenim sustavom odvodnje prema taložnicima odnosno uređajima za tretman otpadnih voda.
- 3.7 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.8 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9 Talog iz taložnika se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.10 U cjelokupnom kompleksu kamenoloma koja se koristi za proizvodnju, separaciju kamenog agregata kao i distribuciju, zabranjuje se pretakanje, skladištenje nafte i naftnih derivata u bilo kom obliku i namjeni sve dok se ne ispune uvjeti iz točke 3.5 ovog Rješenja, sukladno dokumentaciji iz točke 3.2 ovog Rješenja.
- 3.11 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.12 Da se za sve izgrađene objekte koji će biti definirani projektnom dokumentacijom iz točke 3.2., ovog Rješenja, od nadležnih institucija ishodi upotrebnna dozvola.
- 4 Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
- 5 U periodu važenja ove dozvole, „GRADEVINAR“ d.o.o. Novi Travnik je dužan provoditi sve mjere i aktivnosti propisane istom.
- 6 U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je

- izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
- 7 U periodu važenja ove dozvole, „GRAĐEVINAR“ d.o.o. Novi Travnik je dužan je ishoditi upotrebnu dozvolu za predmetni kamenolom.
- 8 Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
- 9 Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima i radnom prostoru predmetnog kompleksa objekata obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
- 10 Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
- 11 Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Investitor, „GRAĐEVINAR“ d.o.o. Novi Travnik obratio se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitetu voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomita, izgrađenog u naselju Bučići, općina Novi Travnik.

Uz zahtjev je dostavljena slijedeća dokumentacija:

- Rješenje o registraciji br. 051-0-RegZ-22-001870 od 19.12.2022.god. izdano od općinskog suda u Travniku;
- Uvjerenje o poreznoj registraciji od 05.11.2018. godine izdato od strane Porezne uprave Županijskog poreznog ureda u Novom Travniku;
- Urbanistička suglasnost br. 03-364-93 od 08.04.1985.god. izdana od Opštinske komisije za privredu, općine Pucarevo;
- Glavni projekt kamenoloma u Bučićima izrađen od Rudarskog instituta u Tuzli, iz 2009.god.;
- Okolinska dozvola br. UPI-05/2-23-11-49/16 od 03.06.2016.god izdana od Federalnog ministarstva okoliša i turizma;
- Rješenje o općim obvezama operatera u vezi sa zaštitom okoliša br. UPI-05/2-19-5-77/21 od 09.08.2021.god izdana od Federalnog ministarstva okoliša i turizma;
- Rješenje o eksploatacionom pravu za eksploataciju mineralne sirovine –dolomita na eksploatacionom polju Bučići, UPI 07-18-239/02 od 26.02.2002.god., izdano od Federalnog ministarstva energije, rudarstva i industrije;
- Potvrdu plaćanja po zahvaćenoj količini vode „ZV“ i obračunu „EBS“;
- Rješenje kojim se odobrava eksploatacija dolomita br. UPI-07-18-190/02 od 22.05.2002.god. izdano od Federalnog ministarstva energije i rudarstva;
- Izvještaji o monitoringu otpadnih voda br. 620/22 od 4/22 i 1439/22 od 10/22, izrađenih od „Inspekt-RGH“ d.o.o. Sarajevo;
- Uplatnice administrativne takse i
- Uplatnica po zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-074-4/23 od 05.04.2023. na kome je konstatirano sljedeće:

Površinski kop dolomita sa kamenolomskim postrojenjem i pratećim objektima (strojni park, kotlovnica, automatska vaga, trafostanica, upravna zgrada, skladišni objekt, čuvarnica i

manipulativna površina) nalazi se na lokalitetu Bučići kod Novog Travnika na udaljenosti oko 4 km definirano je prelomnim točkama iz točke 1. ovog rješenja.

Ukupna površina kamenoloma iznosi 49,20 ha od čega je 38,60 ha u eksploataciji a 10,60 ha je u istražnoj fazi. Godišnja proizvodnja dolomita nakon separacije je između 110.000,00-130.000,00 t/god. Otkopavanje se vrši stepeničasto s uporabom minsko eksplozivnih sredstava.

Vodoopskrba se vrši s lokalnog vodovoda i za potrebe kamenoloma postavljeno je brojilo potrošnje vode a povremeno se količine potrebne vode osiguravaju dovozom cisterni za vodu. Vodoopskrba se koristi za sanitarne potrebe, povremeno održavanje strojeva i skidanje prašine. Sve tehnološke vode koje su rezultat održavanja –čišćenja rudarskih strojeva, skidanje prašine se razlivaju preko manipulativne površine do drenažnog kanala koji upušta takve vode u potok Duboki dol.

Izveštaji o monitoringu otpadnih voda br. 620/22 od 4/22 i 1439/22 od 10/22, izrađenih od „Inspekt-RGH“ d.o.o. Sarajevo ukazuje da su svi rezultati na mjernim mjestima zadovoljavaju parametre propisane Uredbom o uvjetima ispuštanja otpadnih voda u okoliš i sustave javne kanalizacije („Službene novine Federacije BiH“ broj 26/20 i 96/20).

Na lokalitetu kamenoloma ne vrši se pretakanje goriva jer se isto vrši na obližnjoj, komercijalnoj benzinskoj crpki.

Sanitarno fekalne vode, preko interne kanalizacione mreže, se upuštaju u trokomornu septičku jamu s prelivom u vodotok Duboki dol.

Kamenolom nije izgrađen u vodozaštitnim zonama.

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva „GRAĐEVINAR“ d.o.o. Novi Travnik, redovno izmiruje svoje obaveze uplate po osnovi posebnih vodnih naknada.

Na osnovu provedenog postupka konstatira se da je podnosilac zahtjeva „GRAĐEVINAR“ d.o.o. Novi Travnik, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, sa lokacije te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Marko Barić, dipl.ing.grad.

Po ovlaštenju

Rukovodilac sektora za izdavanje vodnih akata



Haris Ališehović, dipl.ing.grad

Dostaviti:

- „GRAĐEVINAR“ d.o.o. Novi Travnik, ul. Kralja Tvrtka br.42, Novi Travnik.
- AVP Sava, ISV-vodna knjiga
- Org.jed. 40 – arhiva
- Org.jed. 50
- Oglasna ploča AVP Sava